

# UGOVOR O KOLEKTIVNOM OSIGURANJU UPOSLENIKA

Zaključen dana **01.03.2017.** godine u Sarajevu, između:

OSIGURAVAČA: **“ASA OSIGURANJE” D.D Sarajevo**  
Ul. Trg međunarodnog prijateljstva br. 25 71 000 Sarajevo  
koga zastupa Feđa Morankić  
(u daljem tekstu: Osiguravač)  
ID broj: 4201261240009

i

OSIGURANIKA: **Kanton Sarajevo Stručna služba za zajedničke poslove,**  
Ul.Reisa Džemaludina Čauševića br. 1  
koga zastupa načelnik Fikret Jašarević  
(u daljem tekstu: Osiguranik)  
ID broj: 4200667410006

## I PREDMET UGOVORA

### Član 1.

Predmet ovog Ugovora je pružanje usluga:

- *kolektivnog osiguranja uposlenika - osiguranika Kantona Sarajevo od posljedica nesretnog slučaja ( nezgode ) za vrijeme rada i u slobodno radno vrijeme, tokom 24 sata bez vremenskog i prostornog ograničenja;*
- *kolektivno osiguranje uposlenika se vrši prema uslovima ponude OSIGURAVAČA broj: I-778716 od 15.12.2016. godine, zaprimljene pod brojem: 17-14-35523 od 16.12.2016. godine.*

Ponuda za osiguranje uposlenika zaprimljena pod brojem: *17-14-35523 od 16.12.2016. godine*, je sastavni dio ovog Ugovora.

## II KOLEKTIVNO OSIGURANJE ZAPOSLENIKA

### Član 2.

Osiguranje po ovom Ugovoru pokriva posljedice nesretnog slučaja-nezgode za: **smrt usljed bolesti, smrt usljed nezgode i invaliditeta, nastalih nad svim uposlenicima OSIGURANIKA pojedinačno.**

Osigurani slučaj podrazumjeva iznenadni, nepredviđeni i od volje osiguranika nezavisni događaj koji se desi za vrijeme rada i u slobodno radno vrijeme, tokom 24 sata bez vremenskog i prostornog ograničenja, tj. OSIGURAVAČ se obavezuje da će OSIGURANIKU isplatiti naknadu štete ako štetni događaj ima za posljedicu:

- |   |                       |
|---|-----------------------|
| ◆ <i>Smrt uslijed bolesti</i>                   | <i>5.500,00 KM,</i>   |
| ◆ <i>Smrt uslijed nezgode/nesretnog slučaja</i> | <i>89.300,00 KM,</i>  |
| ◆ <i>Invaliditet</i>                            | <i>178.600,00 KM.</i> |

### Član 3.

OSIGURAVAČ se obavezuje da će OSIGURANIKU kao korisniku osiguranja za ugovoreno kolektivno osiguranje, u skladu sa odredbama ovog Ugovora i odredbama Općih i Dopunskih uvjeta za osiguranje lica od posljedica nesretnog slučaja/nezgode, isplatiti:

- Osigurane sume za slučaj smrti uslijed bolesti;
- Osigurane sume za slučaj smrti, ukoliko je uslijed nezgode/nesretnog slučaja nastupila smrt korisnika i
- Osigurane sume za slučaj invaliditeta.

Opći i Dopunski uvjeti za osiguranje lica od posljedica nesretnog slučaja/nezgode, Izmjene i dopune Općih uvjeta za osiguranje od posljedica nesretnog slučaja/nezgode i Tablice za određivanje postotka trajnog invaliditeta kao posljedice nesretnog slučaja/nezgode, čine sastavni dio ovog Ugovora.

**OSIGURAVAČ se obavezuje da će u skladu sa uslovima date i prihvaćene ponude isključiti primjenu tzv. „karence“.**

### Član 4.

Za kolektivno osiguranje uposlenika od posljedica nezgode/nesretnog slučaja izdat će se polica o osiguranja posebno za svaki organ koji je sastavni dio Kantona Sarajevo (u daljem tekstu „organ/i“). U policama osiguranja se navodi broj osiguranih osoba i iste čine sastavni dio ovog Ugovora.

Spisak sa brojem i imena uposlenika za organe, pripremit će OSIGURANIK i isti odmah dostaviti OSIGURAVAČU.

## III PRAVA I OBAVEZE UGOVORNIH STRANA

### Član 5.

OSIGURANIK se obavezuje:

- Dostaviti odmah broj i spisak uposlenika po organima (brojno stanje);
- U slučaju nastupa osiguranog slučaja poduzeti sve mjere u okviru mogućnosti za zaštitu uposlenika;
- Nakon nastupa osiguranog slučaja obavijestiti OSIGURAVAČA o istom, uz dostavu svih podataka kojima raspolaže, a koji se odnose na utvrđivanje uzroka osiguranog slučaja;
- Ukoliko dođe do eventualnih promjene broja uposlenika, OSIGURANIK je dužan odmah OSIGURAVAČU dostaviti podatke o promjenama, na osnovu kojeg će izdavatelj izdati fakturu.

### Član 6.

OSIGURAVAČ se obavezuje:

- Na osnovu pripremljenih i dostavljenih spiskova izraditi i uručiti police osiguranja svakom organu Kantona Sarajevo;
- Obavijestiti OSIGURANIKU o svim promjenama koje mogu uticati na uslove osiguranje uposlenika,

- Isplatiti nastalu štetu ODMAH, a najkasnije u roku ne dužem od **1 (jednog) dana**, od momenta kompletiranja dokumentacije potrebne za utvrđivanje pravne osnovanosti i visine odštetnih zahtjeva.

#### **IV PREMIJA OSIGURANJA ZA KOLEKTIVNO OSIGURANJE**

##### **Član 7.**

Ugovorena premija osiguranja iznosi mjesečno 6 KM odnosno, premija osiguranja za 10 mjeseci iznosi 60 KM po uposleniku.

#### **V USLOVI I NAČIN PLAĆANJA**

##### **Član 8.**

Plaćanje ugovorene premije osiguranja iz ovog Ugovora će se vršiti na slijedeći način:

- OSIGURAVAČ će OSIGURANIKU ispostaviti fakturu, u skladu sa izdatim policama osiguranja do cjelokupnih iznosa osiguranja iz ovog Ugovora;
- OSIGURANIK se obavezuje da ugovorenu premiju osiguranja do cjelokupnog iznosa plati najdalje u roku od **181 dan** od dana ispostavljanja fakture.

#### **VI PRIJELAZNE I ZAVRŠNE ODREDBE**

##### **Član 9.**

Ovaj Ugovor se zaključuje za period **od 01.03.2017. godine do 31.12.2017. godine**, s mogućnošću produženja od maksimalno 1 (jedne) godine, pod istim uslovima.

Ukoliko se jedna od ugovornih strana ne pridržava odredbi ovog Ugovora, druga ugovorna strana ima pravo na jednostrani raskid ovog Ugovora pisanim putem uz otkazni rok od 30 (trideset) dana.

Ugovorne strane su saglasne da će u slučaju otkaza dovršiti sve započete poslove odnosno, da će obraditi i isplatiti sve štete nastale u vremenskom periodu važenja ovog Ugovora i izvršiti sve međusobne obaveze koje su preuzele prije isteka ili otkaza ovog Ugovora.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovornih strana, čuvati kao poslovnu tajnu, utvrđenu obostranim dogovorom.

U cilju unapređenja poslovnih odnosa, tokom trajanja ovog Ugovora ugovorne strane mogu odredbe Ugovora mijenjati, dopuniti ili druge poslove regulirati sporazumno putem Aneksa ovog Ugovora, ili putem posebnih Sporazuma, s tim da sve promjene proizvode pravni učinak ako su sklopljene u pisanom obliku i ovjerene od strane nadležnih prestavnika ugovornih strana.

##### **Član 10.**

Ugovorne strane su saglasne da sva eventualna sporna pitanja rješavaju sporazumno, a u slučaju spora ugovara se nadležnost stvarno nadležnog suda u Sarajevu.

##### **Član 11.**

Ovaj Ugovor je sastavljen u (4) četiri istovjetna primjerka od kojih svaka strana zadržava po (2) dva.

**Član 12.**


Ovaj Ugovor stupa na snagu danom potpisivanja ugovornih strana.



**OSIGURAVAČ**  
**"ASA OSIGURANJE" d.d. Sarajevo**

**OSIGURANIK**  
**Bosna i Hercegovina**  
**Federacija BiH**  
**Kanton Sarajevo**  
**Stručna Služba za zajedničke poslove**

**Direktor**

**Načelnik**

  
\_\_\_\_\_

  
  
\_\_\_\_\_  
**/Fikret Jašarević/**

**Datum:** 03.03.2017.  
**Broj:** 1-145/17

**Datum:** 03.03.2017.  
**Broj:** 1-145-32044-31